



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՀ, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52, (+374 10) 55-46-41 (Fax), info@ysu.am, www.ysu.am

ք. Երևան

06.09.2024թ.

Ո Ր Ո Շ ՈՒ Մ

«ԵՊՀ-ԷԱՃԱՊՁԲ-24/152»

(գնումների գործընթացին մասնակցելու իրավունք չունեցող մասնակիցների ցուցակում ներառելու մասին)

ՊԱՐԶԵՑ

«Երևանի պետական համալսարան» հիմնադրամի (այսուհետ՝ ԵՊՀ) կողմից 2024 թվականի հուլիսի 4-ին տեղեկագրում (www.gnumner.am) հրապակարակվել է համակարգչային տեխնիկայի ձեռքբերման «ԵՊՀ-ԷԱՃԱՊՁԲ-24/152» ծածկագրով գնման ընթացակարգ (այսուհետ՝ Ընթացակարգ):

Ի թիվս այլ մասնակիցների Ընթացակարգին մասնակցության հայտեր են ներկայացվել նաև Ա/Ձ Լուսիա Պետրոսյանի (<ՎՀՀ՝ 74435455) և Ա/Ձ Արթուր Հարությունյան Սերյոժայի (<ՎՀՀ՝ 27959977) կողմից (այսուհետ՝ Ընկերություններ):

Ընթացակարգի գնահատող հանձնաժողովի 3-րդ նիստի արձանագրության 5.2-րդ և 5.3-րդ կետերով Ընկերությունների կողմից ներկայացված հայտերի փաթեթներում արձանագրվել են մի շարք թերություններ, իսկ 6-րդ կետով՝ հիմք ընդունելով ՀՀ կառավարության 2017 թվականի մայիսի 4-ի 526-Ն որոշման 1-ին կետի 1-ին ենթակետով հաստատված կարգի (այսուհետ՝ Կարգ) 41-րդ կետը, Ընկերություններին տրվել է մեկ աշխատանքային օր ժամանակ՝ արձանագրված անհամապատասխանությունները շտկելու նպատակով, սակայն սահմանված ժամանակահատվածում արձանագրված թերությունները պատշաճորեն չեն շտկվել, ինչը մանրամասնորեն ամրագրվել է նույն արձանագրության 7.1 և 7.2 կետերում: Հիմք ընդունելով Կարգի 42-րդ կետը վերջիններիս հայտերը գնահատվել են անբավարար և մերժվել են:

«Գնումների մասին» օրենքի 6-րդ հոդվածի 1-ին մասի 6-րդ կետի ա) ենթակետի համաձայն «մասնակիցն ընդգրկվում է գնումների գործընթացին մասնակցելու իրավունք

չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը»:

Հիմք ընդունելով վերոգրյալը, ինչպես նաև Օրենքի 6-րդ հոդվածի 2-րդ մասը.

ՈՐՈՇԵՑ

Ընկերություններին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ սույն որոշումը կայացվելուն օրվան հաջորդող օրն այն տրամադրել լիազորված մարմնին և մասնակիցներին:

ԸՆԴՀԱՆՈՒՐ ՀԱՐՑԵՐԻ

ԳԾՈՎ ՊՐՈՌԵԿՏՈՐ՝



Ա. Գ. ՄԱԼԽԱՍՅԱՆ